



حركة التحرير الوطني الفلسطيني - فتح
إقليم استراليا



تمرّة رمضان

العدد رقم 12

فطائر السلق باللحمة المفرومة

يصنف هذا الطبق من المعجنات . مكوناته الأساسية : نبات السلق + لحمة مفرومة + بهارات + بيض + ملح + زيت زيتون + بصل.

الماء الغور

الغائب في الأرض الذي يذهب في الأرض ويغيب فيها فلا ينتفع منه الناس يقول تعالى في الآية رقم 41 من سورة الكهف:- بسم الله الرحمن الرحيم (أَوْ يُصْبِحَ مَأُوْهَا غَوْرًا فَلَنْ تَسْتَطِيعَ لَهُ طَلْبًا) صدق الله العظيم

الشاي بالنعناع

مكونات هذا الشراب : ماء مغلي + شاي مجفف + سكر حسب الرغبة + ورق نعناع .





حركة التحرير الوطني الفلسطيني - فتح
إقليم استراليا




قالت العصفورة

أمن إيش يا تيتا بقولوا أنه كان في زلمة إسمه شمشون وكان غني وعنده جبال ذهب، وفي ناس بنقول إنه ذهبات شمشون بغزة وفي ناس بدور عليها، وكمان في ذهب بدريش وين جنب سكة القطار بحد بلدنا؟ وفي كمان.. وقفي لهون يا حليلة بكفي حكي ليش بتحكي لي عليه شايفاني بطارد ورات الذهب وإلا عبالى أصير غنية ومشنشلة بالذهب إنصتي وسمعييني بعرف إنك مش قصدك تحكي لأنه أنا بدي ببحبش على الذهب ولا إنتي بتحكي لأنك رايحة بدوري على الذهب يعني قاعدة بتعبي حكي بطنجرة مقعورة لا بتجمع مي ولا بتنتفع لطبخ بس اسمها طنجرة وهيد كلامك كان حكي بس هلقيت ملوش معنى. أه يا ستي على الفقير والمشخر دايمًا بحلم أنه يتغير حال الكون ويقلب دولاب الدنيا ويطلع هو لفوق فوق ويصير معه إيشي وشويات ويطلع حارم حاله من إيشي وإحنا يا ستي فلاحين شغلنا نفلح ونحرث وننبش الأرض كان فيها ذهب وإلا سخام البين بدنا نطل نحرت فيها وقد ما بقولوا على كنز مدفون وإلا رصد ملعون ما بطلع لمخبي إلا لحاله صدفة وبدون تخطيط، وبيجي إللي لقوا الغرض بقولوا: إحنا العصفورة قالت إلنا عن مكان الكنز وهاي علاماته منصوبة بدلل عليه وهاي خريطته بتقود لعمار عليه.

يعني يا تيتا عنجد بتبقى العصفورة حاكية إلهم وين الكنز؟ لا يا حبيبتى مش هيد قصدي، إحنا بنقول قالت العصفورة للحكي إللي ما بنعرف مين قاله يعني كانه كلام وقع من السما ووقع في ذنين ناس بالصدفة، وهذول الناس هم أهل البخت والحظ الله بعنهم هدية حكي بسوى ثقله ذهب أو يمكن بصل كل واحد بنتيجيه هديته من السما على قد ما الله كاتب له وقاسم له. وهسعيات بكفي حكي عن الذهب وحكي العصفورة لأنه الحكي هاظا زي ما بخلينا نحلم إنه بكرارح يصير معنى مصاري وذهب برضه بخلينا نتحسر على حالتنا وقلة مصاريننا. الأصل يمه أنه الواحد يشقى ويتعب لحد ما يصير معه مصاري ويصير يبسط حاله، أما أنه يضلله قاعد على ظهر الدار مستتي العصفورة تا تحكي له وين الكنز وهيد حكي بغضب الله لأنه بعلم الواحد على الكسل وإنه يركن يغنى من تعب غيره.

حكاوي
ستي





حركة التحرير الوطني الفلسطيني - فتح
إقليم استراليا



خرافية

الشيخ شلتوت


كان يا مكان في تجار رايعين يبيعوا بضائعهم في سوق عكا وكان في شب إزغير أبوه بده يعلمه التجارة كالهم خذوه معكم وساعده بلكي صار تاجر، وافقوا الجماعة وتسهلوا بالطريق صار الشب يحكي معهم عن الغنم واللبن وكيف أبوه علمه كل شي عن الجبنة والجميد والقشطة، وبعدها صار الولد يحكي لهم كيف هو بصيد الغزال وصار يحكي كيف بتخبى وبين بظرب الغزال، وظلوا هيذ طول الطريق يحكي ويحكي والتجار ناصتين ما بحكوا إيشي إلا عجد وبالله عليك وشوية ضحك ومزح. ولما وصلوا عكا راحوا على الخان وصاروا يبيعوا بأغراضهم وهو قوام قوام باع أغراضه وبعديها راح يتفرج على بحر. وهو قاعد إجي واحد من التجار إللي رافقوه بالطريق وقد جنبه وكاله: إنت جاي تتعلم وإلا جاي تشم هوا وتلعب؟ إنت شب إزغير وأبوك وصانا عليك بصرش إللي بتعمله طول طريق السفر وإنت بتحكي والكبار بسمعوا لك ووقت ما أوصلنا على الخان بعت أغراضك بالرخيص وضربت سعر التجار، بالك أنه هيذ شطارة لا أبدأ لازم زي السوق التسوق، وهلقيت إحكي لي وين بدك تخبي مصاريك وشو بدك تشتري فيها، قام الشب كاله: أنا ما بعرف إنه لازم أحكي ولازم أسمع وكمان ما بعرف السعر وشو بعرفني شو بدي اشتري. قام الزلما كاله: أول شي روح خبي مصاريك عن الشيخ شلتوت ما بصير تحملهن معك هيذ بتخلي الحرامية تنفوك.

وثاني إنه راح التجار على المينا وكانت جاية سفينة الرز الهندي، وصار كل تاجر يشتري إللي لازمه وصاروا التجار يقولوا للشب روح جيب مصاريك واشتري الرز الهندي مطلوب وتجارته سهلة، راح الشب على شيخ شلتوت بده مصاريه وإلا الشيخ كاله فش إلك عندي مصاري، صار يحكي له إمبراح إجيتك المسال لحالي وقتلي هيذ وهيذ .. والشيخ يقوله: إنت ملكاش عندي إيشي. رجع الشب على المينا وصار يخرف بالتجار إللي صار معه، قام واحد منهم كاله: لو إنك أخذت واحد منّا معك كان شهد معك بس إنت بلا شاهد محدش رح يصدقك هذا الشيخ شلتوت مستود مال التجار. قعد الشب مثل الحزين على باب مسجد حارة الشيخ شلتوت وقعد يدعي ربه إنه يرجع له ماله، بمرت مرة مهيوبة وفقت قبالة وقالت له: إيش صار مع لابن الأمرا وليش خاطرک مكسور؟ قام كاله قصته، فردت عليه: أنا هلقيت ببعثلك زاد ومي وفرشة وترك الموضوع علي أنا رح أدبره لهذا الشيخ. بكرة صبح لما تشوفني فايث بتلبس وبتجهز حالك بس لا تفوت على بيت الشيخ شلتوت إلا لما تشوف خادمتي فايثة ومعها كيس أحمر، بعد ما تفوت خادمتي بتفوت إنت بعديها على السريع.

راحت المرة ولبست ذهب ملّت صدرها وذراعيها وراحت على شيخ شلتوت وكالت له: بدي أطلع على القدس وخايفة أخذ ذهباتي معي وبدي أخليهن عندك أمانة، قام الشيخ كاله الأمانة إلك محفوظة قام كالت له: بس هاي لا محصورة ولا ماجورة؟ فقالت له: بدي منك شاهد ومني شاهد وبدي تحكي لي قديش بدك مصاري أجرة الأمانة؟ قام الشيخ شلتوت كاله: أنا شاهدي الله وإنتي شاهديك الله وخلي السر بيناتنا، قام كالت المرة: سر إيش يا شيخ هذول ذهباتي وحلالي إيشي من إخواني وإيشي من إعمامي، وبعد شوي دخل الخادم تاع المرة ومعها كيس أحمر فكالت المرة: هاظا خادمي وهو شاهدي وصارت تحكي أنه هاظا الكيس الأحمر مليون ذهب كمان، شوي وإلا فات الشب المغدور وسأل الشيخ شلتوت: وين مصرياتي يا شيخ؟ قام دلّه على درج زغير بالغرفة وكاله: خذ مصاريك وتعال إشهد المهم الشب أخذ مصاريه وظله طالع ولحقته المرة وخادماها إج الشب بده يعطيها حلوان كالت له المرة: أحسن حلوان أنك تحكي زي ما في بعكا شيخ شلتوت في ست لبنتوت.



حركة التحرير الوطني الفلسطيني - فتح
إقليم استراليا



كتاب غزة والحركة الوطنية الفلسطينية

- المؤلف: حسان فتحي البلعاوي.
- إصدار: دار الشروق للنشر والتوزيع.
- يتناول الكتاب واقع غزة في ظل الانتفاضة الثانية، وحصار الرئيس ابو عمار واستشهاده، سيطرة حركة حماس على غزة، متوقفا عند النصف الاول عام 2008، أي قبل الحرب الإسرائيلية الأولى على غزة والتي تنبأ بها المؤلف.

صدر

حديثا

فراشات فلسطين

الاسم العلمي

Deudorix livia

ديدوريكس ليفيا

